

A TRESEXCELLENT, NOBLE ET PVISSANT
 Roy de Navarre, Anthoine de Vandosme, Michel de
 Nostre Dame son treshumble & obeissañt serui-
 teur, vie longue & felicité.

A Bien bõne raison, tresredoubté Sire, à tousiours esté l'ignorance estimee esté cause de tous maux, & empeschement de tous biens, d'autant qu'il est impossible d'euiter vn mal auquel on ne pense point, ny de iouir d'vn bien qu'on n'entent point. Pource voyàs les anciens philosophes que le plus grãd don de Dieu estoit le sçavoir, ont addonné leur esprit à la cõgnoissance des choses pour dõner moyẽ aux hõmes pour se gouverner: les auisans des accidens qui suruiennent parmy les entreprinsees humaines. A l'exemple desquelz me suis appliqué à speculer les significations des choses occultes, & les declarer d'an en an, selon que mõ petit esprit peut comprendre, Et combiẽ que ie n'aye encor esté si heureux de pouuoit voir vostre maiesté en face, toutesfoys par les numismes & par la phisionomie de Messieurs voz Tresillustres freres, me suis asseuré au bruit constant de voz Royalles bontés: & ay prins la hardiesse de vous dedier partie de mes labours: qui est la calculation de ce que les astres demostrent pour la presente annee 1557. Cõbien que plus amplement ie l'aye declaré en l'Almanach avec les prediCTIONS que i'ay consacré au plus grand des Roys. Et me confiant tresdebonnaire Sire, que vous le receurez de vostre naturelle & accoustumee humanité. En priant le grand Roy eternel qu'il vous doint grace de regner en paix longuement, & à moy de voir en brief le souuerain Seigneur de Biatnoys. De Salon ce 21. de Mars M.D.LVI.

Faciebat Michael Nostradamus Salone petrea Prouin-
 cia. 21. Martii. 1556. pro anno 1557.

De la disposition generale de la presente annee 1557.
iouxte la prediction des celestes images.

M *As arma necesse que, Sanguineum molitur opus. Et omnis in
Italiam tendit furor, Et confertum Rex agmen agit.*
A quoy Seigneur par qui le mien escrit tede:
côbié que les principaux monarques Chre-
stiens ayent faicte certaine cõditure de paix,
ou treuë, tendât à certaine ou incertaine fin volontaire,
si est ce que ie ne treuue nullement par mes calculations
paix ne treue, & si par les volontez humaines, mesmes
des Roys & Princes qui sont ames, diuinement par la su-
preme presque puissance de Dieu, crees & infuses à cer-
tains corps, ormis l'humanité d'un supercelestial & can-
dide arrousement: & le tout calculé. ie treuue au pais Ita-
lique estre ce que par l'oposition de Saturne & de Mars
presagent les astres, & combien que les effectz ne soyent
beaucoup addõnez à la pacifique quietude, ce nõobstât
est preparé cestuy an le fleau du grand Dieu eternal que
ie crains, & duquel j'ay grand doubte, que cestuy an, tant
par pestilence, famine, guerre, & oppressiõs, que par l'ire
de Dieu, que le peuple humain ne soit presque à ses extre-
mes diffinements. Et si voudrois icy declairer quelques
grands points principaux touchant l'vniuerselle disposi-
tion de l'annee, tât des tumultes belliques & subite mu-
tation de monarque hierarchie, que par expoliation de
peuple, regions, & autres que ie n'ose proferer la centié-
me partie de ce que ie pouroys amplemēt specifier, mais
voyant la calomnie de ceux qui tât de foyz m'ont faicte
trucide que encores ie presage, mais la grande esperan-
ce qu'un chacun aura plus ceste annee au grand Dieu e-
ternal & à tous les sainctz, qu'il ne nous arguera poinct

A ij

en sa fureur, ny ne nous corrigera point en son ire: mais vsera (si luy plait) enuers nous de ses grandes miserations combië que son glaiue soit euaginé & luisant pour nuire aux humains: & auant que l'an soit passé, & quelque peu de l'an 1558. on verra manifestement presque par tout le pays d'Italie, tant d'exorbitâtes mutations qu'onques on aye veu ny entëdu: & celuy en qui l'on cuidoit auoir grande esperance le tout sera changé, frustré, mué, & cōtrarié. Le conseil sera de ne receuoir Gaulois nullemët, ny reconnoistre pour leur superieur. Celui à qui tant d'hōneurs & caresses ont esté faiçtes par autres mutatiōs de tempestes sera (ie ne dis) reuolté. la plus part du pays Italique le viendra suborner, à quoy il condescendra, & fera plus qu'heureux celuy Gaulois de l'ordre equestre, qu'il ne sera au royaume Latin, à cause que nul eclipse ne nous aparoiſtra cestuy an. *Nil petit obscurum, nec condit se Luna tenebris. In furias speculatur opes, Gallorum populus* tant par mer que par terre. Je treuve des calamiteuses vexations qui ne serōt guieres moindres que celles que par les sinistres apparences demonstrent les ciculx *versus incubrie fines.* & ie ne veux laisser à mettre par esçrit que ceux qui trop se sont hastez, ne feront pas à demy ce qu'ilz cuidoiēt, & le tēps sera fort estrange au respect des autres annees. combië que ie l'aye amplemët declairé par les presages & Almanachz de cestuy an. Et seront des tempestes, tonnerres, gresles, & autres fulgurations, & impetuosité de pluyes, que pche la saison à cueillir presque en plusieurs pays sera melliné & védangé, & dans vne maison ou seront sept, ny seront que troys. Brief ie voy cestuy an estre de tyrannique prediction, à cause que deuers les parties septentrionales & occidentales mēme de l'Europe, cō-

bien que deuers les Affricains feront infinies tumultes
 belliques par les Chrestiens de l'Asie contre les habitãs
 d'Egipte & la proche : mais deuers les lieux principaux
 de l'Europe septentrionale , & aux plus basses que nous
 descriuons haultes, cōme aux fins Britāniques seront les
 regnes tētez par monarques superieurs soy rebeller con-
 tre ses plus grans supremes : mais à cause que Mercure,
 Iupiter & Saturne aiant son principal aspect fait la Re-
 publi. Londine repugner de tout diamettre, iceux Britā-
 niques aians consacré leurs principaux dieux aux fins &
 terroirs Aquitaniques, font apparoir les celestes images
 de ceste annee ny auoir nulle emotiō ne tumulte : com-
 biē que par la mer Océane par les Hesperiens passans
 le fretum Herculeum susciter quelques ires par inflam-
 mation de cœur antique par incredible cupidité de cer-
 taine vengeance d'intestine conuration, mais le tout iu-
 stement supputé les septentrionaux ne seront cestuy an
 qu'en leur propre & volontaire repos: mais tendant de-
 uers les regions ou Aries vient à predominer, & aux cir-
 conuoisins lieux les guerres, pestilences, famines, partia-
 litez, empoisonnemens de puits & de Fontaines, diuers
 explorateurs enuoyez , personnes qui parleront diuerses
 langues , & donneront à entendre les secretz des Prin-
 ces. Deuers le commencement de l'Annee seront faites
 telles partialitez , que celuy qui sera esleu precogitera
 l'imporueue facherie des siens progeniteurs, sera la plus
 part opposite de ce qu'on pretendoit de luy. Seront chaf-
 fés, profligés, mis en extreme calamité ceux qui en leurs
 regions naturelles viuoient en paix & bōne tranquillité.
 Je treuve pour l'An present 1557. & 1558. que seront plu-
 sieurs nauigans passans les mers , voulant exposer leurs

A iij

personnes par noblesse de sang que intrinsequemēt auront le symbole d'occasion & de penitence: mais quoy que sera la chicheté tarde au font, d'autre part opposite qui se feront partis vaillāment: mais il se prepare icy que ie voy, c'est le 20. de May, que ie suppute ceci deuers le pais d'Italieyne secrete & intestine machinatiō, pour dechasser ceux qui par grandes prieres dissimulees ont pas sé les mons Apennins, & sera la plus part expolice.

L'inuincible monarchie, qui serōt les Gaulois, ie ne dy assiegee & tentee, obsidion & close la mer mediterrannee, l'vn est qui continuellemēt veille, seront quatre surprins, qui auoient deliberé de faire quelque prodition, sera descouuerte la neufue. Au principal point sera faicte ceste constitution facherie volontaire. Celuy qu'on cuydoit perdre par voyages marins & terrestres, sera appellé le second Iason. Vn autre grand enuoyé pour ne donner empeschemēt au conseil, sera grandement esloigné de quatre voyes seront explorateurs, & sera surprins vn qui faindra estre ennemy mortel, qui donnera à entēdre tout le fait & les parolles, la similté & fainte dissimulation sera si grande, que par nul siecle passé elle ait esté. le deffaillement de l'vn sera faite vne grande mutation, & Lieures arracheront le poil de la barbe du Lyon.

Aussi apres la confirmation du nouueau monarque par ses plus proches esmeu & souuent stimulé de laisser son propre pays en paix & tranquille prosperité ne voudra nullement faire poursuiure ses premieres & inopinées entreprinſes, mais sera contraint de totalement les delaisser & adherer contrariant aux premieres entreprinſes, voulāt mettre en effect sur le 22. de Mars. quel cas vient à presager l'opposition de Saturne occidētal à Mars

oriental, que à ce que les astres font apparoir quelques
 grandes emotions de guerre contre les orientaux infi-
 deles, & eux semblablement cõtre les Chrestiens, & de-
 uers la fin de l'Automne la enuiron plusieurs par mer &
 par terre. & ce que lon croit publiquement, ne durera
 pas longuement, ny ne sortira à demy effect. Le conseil
 qui sera tenu sera tard aduisé. les assemblees seront de re-
 pentance tarde, seront enuoyes en diuerses regions, les
 vns se banderont cõtre les autres. Ceux qui de long tẽps
 sont mutinez se r'allieront, & feront vne faincte dissimu-
 lation. Les estrangers profligez apres les tumultes & se-
 ditions assoupies se leueront contre les citoiens, sera fai-
 te vne nouvelle alliance, que pour vn peu de temps sera
 faincte pacifiquement, & ne durera pas si longuement,
 que durera le trium virat: mais seront bien tost restituez
 en leur premiere sedition & querelle. & sera faite vne su-
 bite & tranquille mutation. Les Chrestiens du leuant &
 des mers mediterranee, Sicule, Ligustique, Corsique, A-
 driatique, & Sardaigne par les fustes Barbares & subites
 inuasions par mer & par terre, souffriront beaucoup: &
 plusieurs pillars seront pillez, & expoliez de leurs biens,
 & ceux qui tenoient captifs, des vngs seront eux mes-
 mes, captifs. Brief avec toute celle couleur pacifique se-
 ra vne mortelle guerre, tant entre humains, que deuers
 plusieurs qui n'auront autre que forme humaine, & se
 trouuera plus de clemence & d'amitie aux bestes farou-
 ches, que ne trouuera ceste annee l'homme à l'homme,
 que pour ne faire si grand discours de ce que bonnemēt
 n'est ia necessaire le tout specifier, que prierons tretous
 (aussi seront ilz faites entre les Chrestiens prieres vni-
 uerselles) le grand DIEU omnipotent, & toute l'vniõn

A iij

celeste, qu'il nous vueille preseruer ceste annee de tant de disgraces que les Astres no⁹ font apparoir, & que celle tant desiree paix nous aduienne. Amen

Du Printemps 1557.

Le Printemps ceste annee 1557. entrera le xi. iour de Mars, le Soleil entrant au premier poinct d'Aries, au. deg. 53. mi. d'Aries, pour la Lune, & autres planettes selon leurs sieges, sera humide, qui deffaudra au besoing avec uents & mutations de temps, mais à cause du signe de la diuision des estoilles, donnera seure & tranquille temperature, avec vne extreme chaleur, qui à la fin du printemps sera conuertie à grande ardeur & inflammation, iouxte les celestes & superieurs mouuements. L'apparence des disgraces est tant manifeste, que le commencement ormis bellicques emotions, qui seront de grand bruit, & plus de terreur que de faict: combien que tel cuidoit qu'il ne fust besoing de combatre ne par mer ne par terre, qui demeurera au grand conflict. Tout le deuant blessé passera les vmbres: sera empechable par froidure & humidité, & seront pluyes, mais à cause que la tardité est fort seiche, seront quelques iours mediocrement attrempez, puis le temps peu à peu, toute la temperature tendra à extreme seicheresse & qualitez cōtraires à naturelles humidités, & iours bien mauuais & de bonne duree deuers le pays occidental à la haultesse de 49. deg. & de longueur 30. pour la Lune presage grandes & superflues humiditez, & tendant plus prochaine du pentapotamos, qui est à 48. seront deuers le commencement de la Vere pour l'occidentalité de Saturne, & qui est en Aries presageant seicheresse & adustion, mais Iupiter, Mars & Venus presagent à l'oposite, c'est assauoir
qu'e

qu'elle sera froide, humide avec pluyes, grands vêts, neiges, glaces, tēps fort diuers, mesmes depuis Lyon, Moulins, Bourges, Orleans, Paris, Nantes, Tours, Rouan, & autres pays circonuoifins. le pays Septétrional & Occidental, les neiges & pluyes frequentes feront grādes inondations d'eaux & accroiffances de fleuve, non fans perilleuses & dommageables submersions, que lon cuidera le regne Deucalion aprocher: mais ce ne sera que deuers le pays de Germanie & Lorraine, encores plus en Angleterre: car au climat de 45. degrez les pluyes commenceront à defaillir presque au milieu du Primtemps, & mesmes dans la fin de l'hiuer. Feurier ne fera pas son deuoir dans le pays de Piedmont, & de Lombardie, les pluyes seront fort frequentes. Naistront dans ce Primtemps plusieurs monstres, mesmes vn apud Bituriges, & Cenomanes brutalement, qui presagera ce que prochainement lon congnoistra aduenir. Aussi en naistront in terra Norica par deça plus pres, qui aura destendue de son aduenement vingt & vn moys du iour mesmes de sa natiuité, & sera terriblement difforme. Vn autre sera trouué aux Saxons in vtero vaccæ, & en Prouence plusieurs de peu de vie. Et en ce temps regneront grandes pleuresies, avec vne douleur pongitiue au cousté, & difficulté de respiration, grand toux, catārres de plusieurs & diuerses sortes, reumes innumerables, que ceux du 48. degré en seront si abundans, qu'ilz n'oseront sortir de leurs maisons, avec paralies & apoplexies. au moys de Feurier tombera quelque grand prelat, & dans le temple, & plusieurs douleurs des yeux. Vtay est qui seront plusieurs iaunnisses, hydropiques, & de plusieurs & mauuaises couleurs, distillations d'vrines aux vieux & diffi-

B

culté d'icelle, & encores quelques diffenteries procedantes de l'annee paffee, & portera auffi folution que plufieurs fieures quartes perdront leur periodique cours, à aucuns quelque flux de fang par la gorge, & par le voir, mefmes aux plus ieunes, & deffailance de pluyes: & ne fera fans quelques tonnerres fulgentes, chorufcations, gresse, tempefte, mefmes aux lieux alienez de large plaine, & combien que Mercure foit icy conioinct avec Saturne, ou Saturne avec Mercure prefagent quelques demy affoupiment de guerre, & commotion d'armes, & maladie de mortalité, comme peste mefmes les ieunes gents par fieures continues, agues de fubit iugemēt, & d'autres terribles maladies, parquoy par l'auis des fages medecins, chascun fera bien de foy preparer à la purgation & faignee au parauant, pour obuier à la malice du temps que les aftres prefagent. Et quand au fait bellique, qu'auffi les aftres menacent les troys parties du monde de grandes & cruelle preparations à effufion de fang, tant par conflit, que par precipitees embufches, mefmes le païs Italique contre le Belgique, & de peu de duree, & la grand fleur fera proche de la vigilance & e-ftude, nonobftant paches feront interrompues: les emotions feront grandes, que vn chascun prie ce grand Dieu eternal par fon filz Iefus Christ par l'interceffion des faincts qu'il vueille appaifer fon ire, & mitiguer les monarques, que ce que fera à demie deliberation fe vienne à paracheuer: car le tēps est fort preparé à mortelle guerre, quoy qui parle au contraire l'effect se verra. auffi à ce que ie treuve la paix pour le present quād à l'exaltation de France par ceste annee n'est nullement commode, & trouuera on que portera plus d'incōmodité que de cō-

modité, & plus preiudicier au regne que profiter à moy ne concerne que de metre tant seulement ce que iouxte la congnoissance que Dieu ma dōné de presager:lequel par sa grace vueille que tout soit à sa digne louāge amē.

DE L'ESTE.

L'esté ceste annee 1557. commencera le 12. de Iuin, le Soleil entrant au premier poinct de Cancer, à 26. minutes, la Lune à 5. degr. 18. minu. de Capricor. Saturne oriental, meridional descendant combuste à 7. deg. 48. minu. de Taurus, & le reste selon leur ordre, que le tout calculé sera en son commencement chaud & sec, tendāt plus à seicheresse qu'a chaleur, que selon l'escrit de Haamor Tyberiadès par aucunes reuolutions faites iouxte l'ascendant, que cest esté sera par son cōmencement d'une extreme ardeur & seicheresse, tellement que plusieurs pays par l'impatience de l'inflātion estiuue serōt presque bruslez: combien que le temps soit totalement adōné à chaleur, si est ce que seront quelques iours humides, & aussi combien que le Soleil soit en son plus haut degré du Solstice, ie treuve que seront quelque pluyes: mais rares, prouenantes d'impetuosité de tonnerres & fulgurations, aussi au commencement à 47. 48. 49. degrez seront broillats, qui porteront preiudice, & par la longue seicheresse vers le milieu du Printemps passé courront vētz Septentrionaux & occidentaux, mesmes Nhort, qui endommagera plusieurs fleurs, aussi courront vents froids & glacialz, qui passeront sans endommager les biens de la terre, pour cause que pour lors que ilz souffreront ne seront nullement à la superficie humides, qui fera cause salutifere du bien: mais ce principe

B ij

d'Esté tant par maladies, famine & pestilence, que par tumultes & commotions de guerres, sera grandement à craindre, que sera chose bien salubre d'auoir prié Dieu omnipotent qu'il luy plaist secourir le pauvre peuple, & toute humaine creature qui le craint, & ayme, & faire que cest esté ne soit moins à craindre que le passé, ou toutes les planettes estoient à Cancer & à Leo.

Et nostrum quidem humanū est consilium: sed de rebus obscuris, incertis, & vehementer arduis ad IESVM CHRISTVM censeo referendum.
 auquel sera ceste année, & cest Esté ou vn chascun bon Chrestie aye recours: car les astres menaissent grâdemēt de plusieurs disgraces les terriens par diuerses afflictions que si nous n'auons recours à ce grand Dieu, ie croy que plusieurs ne feront estime, & moins tiendront cōpte de ce que plus ilz souloient tenir precieux & cher. Les maladies seront aussi à craindre, non moins que affections pestilentes, innumerables fieures pestilentes, continues, tierces, erratiques, avec ce que la plus part du pays d'Espaigne par grande seicheresse & deffaut de pluye sera en extreme indigence de fromēt, la plus part mesmes le plus proche & peu esloigné de la coste marine. la terre sera si ardante par tout presque vniuersellement, que à plain midy l'on orra l'air grinsier, & l'ardeur sera si vehemente, que presque nulle ame viuante pourra demourer deuant la face du Soleil: mais ce ne sera que à peu de regions: car le pais depuis Bourgogne, Bresse, Dauphiné, Vuiers, Poytou, Berry, Auuergne, partie de Languedoc, Querci, la Gascogne ne seront totalement priuez d'humidité: car il y aura des pluyes tellement impetueuses, qui emmeneront les nuces tellement espesses, & obscures pleines de tonnerres, gresles, fouldres, &

tempestes, qui beaucoup plus dōmagera les fruiçts, que la tant desirée pluye ne profitera, lesquelles pluyes serōt en aucune part continues, que apres que la plus part de cestuy Esté sera constitué en chaleur ardante, & seiche-
resse sera cause naistre plusieurs & diuerfes infirmités a-
gues, tellement & si vehementes inextinguibles, que la
nuict ny le iour ne se pourra trouuer place pour reposer
les humains de la vehemente chaleur, par laquelle ne
venons à preserger. *Causis quibus naturalis diuination nobis data est: sed cu-
riossimè obseruatis curisibus rerum caelestium, signa tamen causarum & notas cerni-
mus, quibus adhibita memoria, & solerti diligentia ex monumentis meorum auitum
acquirimus eam caelestem diuinationem, non artificiosam: sed fulgentibus ostentu. mō-
stris signisque caelestium nocturnis obseruationibus.* Cōbien que plusieurs
par effrence calumnie me voyans faire circonlocutions
me iugent de sens tout autre. Si est ce que pour venir au
vray point du Presage de cest Esté que le fait bellique se-
ra tellement empesché, que la mort la maladie, la capti-
uité, & la facherie fera tel trouble, que de la partie la ou
l'on pretendoit victoire, & tenir bon pour vn sera tout le
contraire. Les stratagemes des guerres seront tellement
practiquees & si nouuelles, que Polienus Macedonicus
n'en traicta iamais de si subtiles, que seront deuers la To-
scane & Romanie practiquees, & non tant seulemēt par
eux, mais en diuerfes contrees. Puis deuers le milieu de
l'Esté courra vn vent Austral de telle chaleur & inflam-
mation, que sur les champs il seichera promptement ce
que sera proche de parfaicte semence: mais vrayment
les vignes, ce peu qui sera demeuré viendra si tresfort à
seicher, que si Dieu par son celeste arrousement n'y met
la main en plusieurs lieux les cueilliez seront petites. les
bœufs seront dangereux de pestilence bouine. Les Bar-

B ij

bars ne feront sans faire inuasiōs & tumultes bellique, & à la coste de la marine plusieurs à l'aube du iour pilleries tāt des humains que d'autres robes. Le Rosne & autres riuieres deuers le principe de l'Esté sortirōt hors de leurs bornes, deuers la fin seront si basses toutes riuieres, que iamais auront esté, par la superabondāte seicheresse seront trouuez dans riuage de fleuues descouuers excellents monuments, & par opposite par les fleuues & ruyseaux tenentemēt deuallez en serōt descouuers, la ou seront veux des escripts & cruches de long temps enseuelies, aussi l'estoille Crinite qui sera quelque peu apparante & non apparante fera manifeste iugement de ce qu'auendra tant au pays Italique, Hesperien, Germanique, & François, que sera tel, qu'il m'est meilleur ne le declarer que le manifester, pour deux causes, pour les calumniateurs & pour ne par trop intimider le peuple. les pestilences, flux dissynteriques tant en armee de mer, que de terre seront grand trouble & empeschement, par le feu du ciel seront nauires & vaisseaux marins perillez, & tremblement de terre aux parties orientales. Seront faites des entreprinſes tant secretes, que non occultes, que la plus part ne fortira à demy effect. par mer seront faits plusieurs & diuers naufrages, & pillés par galees, & fortira subitement, apres estre sorty du port diuers temps. Le lieu de fortresse occupé de pestilence sera tenté par expres, & secretz explorateurs. & seront enuoyees galeres deuers la fin de la mer Mediterrane & de la mer de Hercules pour entendre & expiller & passer la cité, qui est presque enuironnee des trois : mais ce sera bien en vain ce nonobstant les nouvelles qui viendront en France durant cest Esté, ne seront ne trop bonnes, ne trop mali-

gnes. Plusieurs capitaines feront en leurs esprits bien fachez, mais la pluspart de ceux qui auront par terre, & par mer exercé office de vaillant, comme la plus part fera ceste annee, ie treuve qu'ilz feront grandemēt esleuez en honneurs & plus grandes dignitez: & aussi ceste annee combien que soit apparence de tréue & longue paix que plustost desirēt l'ennemy viure pour plus longuemēt estre la ou ilz pretendent.

DE L'AVTOMNE.

Automne ceste annee 1557. commencera le 14. de Septembre, le Soleil entrât à 55. minutes de Libra, la lune à 15, deg. 17, minu. de Gemini par ses deux sera à son cōmencemēt chaud & humide, mais plus tendât à quelque fraicheur & siccité participant d'aucunes pluyes composees moyennant la continuelle chaleur de l'Esté passé, la terre sera tellemēt eschauffee que suscitera pluyes impetueuses, avec tonnerres & eclistres: mais non que deuers les parties du climat 6.7. & 8. que à ce dernier les broilatz commenceront à troubler l'air, & à cause que quelques iours deuant l'entree de l'Automne aurōt esté quelques pluyes, que le Pere Liber ne sera semblable à tel auancemēt qu'il à esté l'annee passée, cōbien que la plus part des planettes erratiques sont constituez en mesmes maisons, ormis ceux dont le cours n'est guieres dissimblable au cours Solaire, ny aussi lorientalité & occidentalité dicelles n'est cōforme, qui est cause que l'annee n'est si precox, & courront maladies de grandissime danger, & qui se prendront pour la trop contigue approximation d'icelles, & mesmes es regions latines seront grandement dāgereuses de pestilente cōtagion, non tāt seulement par terre, mais aussi par les classes marines, & des

principales citez:& d'auantage deuers le commencement
 la contagieuse maladie ne inuadera point les petis des
 villes & citez, mais se prendra subitement aux plus appa-
 rens, & en mourront si subitement, que l'on sera tout e-
 stonné que auant que les Physiciens se soient auizez, les
 languissans auront prins fin, & aux villes & citez ou tel-
 le contagion aura le premier lieu, on ne congnoistra du-
 rant iceluy pestifereux regne autre maladie que bië peu
 les chiefs affligez au parauant ont donné prelage à ceux
 à qui la congnoissance celeste par le cōtinuel mouuemēt
 n'est cōgneue, aux autres parties du mōde ou telle cōta-
 gion n'aura lieu y courra fieures cōtinues, fieures que le
 paroxisme ne durera gueres moins que de 24. à 36. heu-
 res, avec vne chaleur ardante & inflammatiō par toutes
 les parties du corps avec soif inextinguible, seichereffe
 de langue, vomissemēt, fieures tierces par quelques iours
 puis soy conuertir en quotidienne de long paroxisme.
 fieures erratiques, dissenteries, flux de ventre, couleurs
 iaulnastres, principes de hydropisies & à d'autres: vers la
 fin du principe de l'automne destruction des superiores
 fieures de l'Esté, & en d'autres pour le residu des indeiues
 purgations recidiues en grand nombre, & apres toutes
 ces miseres & afflictions ce n'est pas assez, car ilz mour-
 ront plusieurs personages, mesmes prelatz & gens ec-
 clesiastiques, & des plus apparentz & personnes partie
 aages & à demy de leur aage. Et en mourront de lordre
 equestre, comme de lordre de prelatz, & en la fleur de
 leur aage, & des personnes qui seront autant de plaindre
 comme de ceux à qui la mort n'a esté par nul temps desi-
 ree, non comprins aussi que Mars qui est dans la 9. mai-
 son, qui est Sagitarius, & combien qu'il soit occidental
si est

si est ce qu'il suscitera ires antiques, nonobstant les oppositions qu'il a avec Saturne & Iupiter, il suscitera telle guerre, que les paches de trefues & de paix n'aurôt lieu iusques à ce que les æraires publicq. des inuincibles monarques soient remplis, & aussi pue le principe iouxte leur escript auroit esté fondé en constitution de domicile de petite duree. le Pere liber ne sera guieres en asseürance par Aquarius qui avec sa couche le dommagera. Et pource qu'en Automne sera quelque bruit vain de la Cæsarée maieité serôt inserés à la louange Gauloise par les Latins. *Dubie renuit inferre. Atque aliquis metuens ne sit sine Cæsare Roma, elegit Gallum cæsaris sceptrum dare* Deurs les Bigorons & les montz Pirences seront faites quelques explorations tentatiues, que sans guieres tarder sortirôt en plain effect. Les guerres seront de nouveau suscitées, retournât vn chascun en son terroir, nō pas les deffailës, Toutesfois ie treuve selon le iugement du grand Albumasach en ses conionctions à cause que dans le reuolu d'Automne est vne conionction (combié qu'elle ne soit des grandes) du Soleil à Mercure qui se fabriquera diuinement par la main de Dieu eternal vne paix qui encores ne se treuve nullement : mais est entre les deux plus que inuincibles Lyons, & sera de telle forme & inuiolable confederation, que les regions sugettes à la martiale digladiation d'vne supreme reiouissance les assiegez de cœur chanteront. *Respice cristati florescunt vtilia Galli.* Les autres plus beaucoup diront. *Ti. ure piate Deos. onerate altaria donis. Cum Cæsare Gallus foedera inire parat.* Mais tous telz proieçtz, sera bien heureux le François qui ne sera aux parties Italiques, mesmes aux profondes regions. Pour n'estre par trop long, ie laisse à mettre les principaux

C

poinctz de ce qu'il aduendra deuers les regions Gauloises, & de la Germanic. & non moins Italiques. Que to⁹ vnanimement prierons le grand DIEU eternal avec les sainctz, qu'il luy plaise nous preseruer de ce que no⁹ menassent les Astres. Amen.

De l'Hiuer. 1557.

L'hyuer entrera le 12. de Decembre, le Soleil entrant au premier poinct du Capricorne, à 44. minu. la Lune à 25. deg. 43. minu. de Virgo. Saturne occidental meridi. ascendant cōbust. à 23. deg. 53. mi. de Taurus, Iupiter occidental meridional descendât à 14. deg. 48. mi. de Capric. Mars occidental meridional ascendant à 19. deg. 24. mi. d'Aqua. Venus occidental merid. descendât à 5. deg. 46. mi. d'Aquarius. & le reste seló leur ordre, lequel tout calculé sera en son commencement froid & humide avec neiges, glaces, grâdes geles, vents, pluyes, broillats, tēps fort maling, & pluyes frequentes deuers les regions occidentales, & seront bruynes qui ne donneront moins d'empeschement que les pluyes: vray est que Mars pour son occidentalité fait apparoir aux regions suiettes à Aquarius que les guerres ny feront si biē assoupies, que deuers les pays qui desia de long temps sont preparez aux armes par Mars, comme sera par dela. Aussi ie treuve que deuers le pays de la Gaule Celtique qui est la superieure & inferieure Germanie que les pluyes deuers l'Autonne passé auront esté si frequentes que cest Hyuer fera si extremement froid & glacial, & de si longue duree par le continuel soufflement des vents Septentrionaux, que quelque pays n'vsant que des loix de leur pere en veneration Dionyse se leuerót l'un cōtre l'autre à l'encontre des superieurs monarques & magistrats, que la

grand froidure luy seruira plus du printemps ou principe d'Esté, & ne sera exempt le pays contaminé que les plus principaux ne facent vne sociale coniuration contre leurs decretz & pristines voluntés seront faites incur sions & assaillementz telz que lon dónera excufation à celuy qui l'aura fait par deceptiue & presciente ignorāce machinee par les plus superieurs. Quant au pays Itallique, ceux des Gaules seront en extreme perichitatiō, le grand traditeur sera deshonté, & pour cela n'yra moins dans Rome. Les plus grands des Gauloys voudroient auoir passé les monts, mais ce ne sera sans danger de mal de plusieurs. La vindication sera suscitee en plus grande ire qu'elle ne fut iamais, encores que la dure & acerbe inclemence de l'air face & rende Mars du tout assoupy, si est ce qui s'en trouueront qui aurōt plus mangé que beu, & par opposite qui auront plus beu que mangé, ne sera esleu celuy qui pensoit. Le ieune sera preparé. Le meurtre ne sera du tout sorty en son effect, sera congneu le mauuais uoloir que portoit celuy qui se faisoit tāt loyal & tant prudent, qui sera trouué bien infidele & desloyal, & à la fin ne faisant bien. O combien de facheries ie congnois, qui se preparent, & qui se veulent essaier de pacifier la terre, qu'elle sera en plus grand trouble qu'elle possible ne fusse du temps que Nerou fit bruler Rome (Temporibus Neronianis arsit per nouem dies) Dieu vueille que ceste conflagration qui se prepare ne surpasse le terme que ne soit par vnze, & non tant seulement par ires & haines des habitants & antiques familles qui brulent d'vne cupidité incredible de conuoitise, qui ne veulent estrangier pour leur dominateur combien que ceux qui defendent les natiōs diront. *Non semper*

C ij

Germania bibit gens nec Gallia superbit. mais sobre & prudēt. Les maladies y seront grandes, & regneront fieures continues, qui n'iront pas long terme: mais seront iugees soudainemēt. Quelque grand Prince sera faché. Premièrement de soy estre expolié de ses forces, qui seront lointaines, qui ne luy peuuēt donner faueur ne aide. Le secours sera loing, les detenez seront enserrez, les langues ne se accorderont non plus que les montz, & façons de viure. Apres telle facherie luy suruiendra vn mal de costé qui le fachera pl⁹, & luy fera oublier tout. Dieu veille qu'il voise bien pour luy & pour tous. Les pleuresies avec douleur pongitiue, toux, mal des yeux. catharres innumerablement, & grandes reumes, & defluxions. Les vieux seront quelque peu fachez, & seront paralysies, apoplexies, distillations de viellesse insupportable, grands naufrages & submersions par mer & fleues. La guerre ouuerte sera du tout fermee. Mais se feront des preparations par conseil, qui pullulera le Primtemps de l'annee 1558. & de grand effect louable. En la grande court Royale ne seront point de simuletez. Aristides & Themistocles lairront leurs dissentions iusques á vn autre temps, & vseront de prudāt conseil & louable toute la court Royale sera remplie de prouidence, rien ne se fera qu'avec vne grande ponderosité. Prierons Dieu tous qu'il nous vueille preseruer les grands, qui dans le contenu de cest hyuer seront en extreme danger de leur vie par maladies & autres pernicieux inconueniens, que pour obuier prolixité ie les laisse à mettre par escrit.

Des Lunes & quartiers de Ianuier.

En Ianuier sera le premier quart de la Lune precedete le 7. à 21. mi. par cōiunctiō de Saturne à 16. deg. 43. mi. d'Aries qui sera froid & humide participant. de quelque temperature, avec pluyes & nei-

ges I e fait Martial assoupy. Pleine Lune le 14. à 12. heu. 57. minu. à 27. deg. 47. mi. de Cancer, qui sera par aquosité humide: avec quelque moderatiō, mais les broillars, neiges & gelees serōt en vigueté faisant submerciōs & nauifrages, iours peu-moderéz / nouuelles des Itālies on agreables. Le dernier quart le 22. à 2. mi. 11. deg. 19 mi. de Scorpio, plus freiche-humide, neige, pluye grād vêt piquant plus que parauat. serōt des mutatiōs triples & quadruples. Nouvelle Lune de ceste annee sera mediocremēt bōne, que pleust à Dieu que celles qui s'en suiuent fustēt semblables sera le 30. à 2. heu. 12. mi. à 19 deg. 40. mi. de Aquarius, pluueuse tendant quelque peu à tēps moderé, puis froide.

FEVRIER.

Premier quart de la Lune de Ianuier le 6. à 4 mi. à 29. deg. 43. min. de Taurus, qui sera attrépe de chaleur & humidité & pl^o de froid, neige, glace, tēps incōstāt & muable, catharreux & distillatif.

Pleine Lune le 13. à 2 heu. 8. mi. 3. deg. 54. mi. de Virgo: qui sera modérée, mais pl^o de vêt & froidure, que d'autre qualité, dōuers les p^oties Septétrionales & de midy serōt faites quelques traditiues embusches & deceptiōs, fort cathareuse & reumatiq^{ue} pleurétique. Le dernier quart le 20. à 23. mi. à 5. deg. de Sagitarius, froid & sec, les tēps sera adōné à pluyes, mais quelque signe le démontrant prepare à seicheresse. Nouvelle Lune le 28. à 15. heu. 47. mi. en Pisces, sera froide & humide, avec quelque chaleur qui auancera les biens de la terre.

MARS.

Le premier quart le 7. à 11. mi. en Gemini, qui sera chaud & humide, preparatiue de vaine entreprinse. la mer cōmencera soy preparer, les maladies renouelleront, pluyes & glaces, & puy bon temps. Pleine Lune le 14. à 16. heu. 18. mi. en Virgo, qui commencera à soy attremper. Dernier quart le 22. à 17. mi. 5. deg. de Capricornus. plus froid que moderé. Nouvelle Lune le 30. à 2 heures chaude & attrempee.

AVRIL.

Premier quart de la Lune le 5. à 18. mi. en Cancer, qui par quadris aspects sera maling. Pleine Lune le 13. à 7. heu. en Libra, froide avec vêts Septétrionaux de Nhort, emotiōs belliques. *Gens auara nimis*

Cij

Tyrhenū nauigat æquor. & renouatiō de monarchie. mais les apellez ne voudront aller si fidellemēt, veu le danger. Dernier quart le 21. à 10. heu. en Aquarius. chaud & humide. pluuieux tendant à bon temps par la clemence de l'air. Lune nouvelle sera le 28. à 10 heu. en Taurus, chaude & humide faisant beau tēps, vent de North.

M A Y.

Le premier quart de la Lune sera le 5. à 2. heu. en Libra, froide & seche. Pleine Lune le 12. à 22. heu. en Scorpio, qui sera plus freiche que chaude, & telle freicheur sera pestilēte & febricitāte. La mort d'vn grād aura presque assoupy la plus part du regne Italique. Dernier quart sera le 21. en Pisces sera pluuieux & humide tēdāt à bō tēps Nouvelle Lune le 27. à 17. h. 37. mi. en Gemini chaude & humide. Les maladies de fieures pestilentes, continues, charbons, inflammations flux de sang par mer, & par œuures Martiales. Dieu garde celuy qui vouldra nauiger au feu.

I V I N.

Le premier quart à 7. mi. en Virgo, qui sera ch aud & sec, en plusieurs lieux seront fieures pestilētes, & charbons, le reste ie l'ay amplement declaré en mes presages. Pleine Lune le 11. à 15. heu 21. mi. en Sagittaire, qui sera freiche & humide de peu de duree. Dernier quart à 10. mi. du 19. iour en Aries, qui sera chaud & humide tendant à ardeur & seichereffe. febricitant. Nouvelle Lune le 26. à 9. heu. en Cancer, ch aude & seiche. Mutation de grand Prince.

I V I L L E T,

Premier quart le 3. iustement au poinct du iour, en Libra, chaud & sec. Pleine Lune le 11. à 3. heu. en Capricorne, qui seravn peu freiche Dernier quart le 18. à 16. h. en Taurus. chaud & sec tōnerres. Nouvelle Lune le 25. en Leo. chaude ardante, esmouuant choleres.

A O V S T.

Premier quart le premier iour, en Scorpio. tendant à variation. Pleine Lune le 9. à 17. heu. Dernier quart le 17. à 3. deg. 50. mi. de Gemini, chaude humide faisant temps maladif, & fieures continues. Nouvelle Lune le 23. en Virgo chaude & enflammee dōmageāt les fruiçts par gresle qui correspondent au moys de Iuin. Le premier

quart sera le dernier iour en Sagitarius, les grandes chaleurs assoupyes.

SEPTEMBRE.

Pleine Lune le 8. en Pisces, principe de broillats. Dernier quart le 15. en Gemini chaud & humide. Nouvelle Lune le 22. à 5. h. en Libra froide, & seiche avec broillats. Premier quart le dernier iour en Capricornus, froid sec, machinemét de trahisó, báquet venimeux

OCTOBRE.

Pleine Lune le 7. à 13. heu. en Aries. chaude & humide. Dernier quart le 14. à 12 heu. en Canter, faisant amas d'aquosité. Nouvelle Lune le 21. à 20 heu. en Libra, froide & seiche, bruines espesses. Premier quart le 30. en Aquarius, pluvieux, froid, humide, roses blâche

NOVEMBRE.

Pleine Lune le 6. à 6. h. en Taurus, quelque peu moderee. Dernier quart le 12. à 21. heu. en Leo temps doux. Nouvelle Lune le 20. à 14. heu. en Sagit. froide, seiche, muable, incóstante, & pleine de bruynes. Premier quart le 28. à 19 h. en Pisces, sera pluvieux. froid & maladif.

DECEMBRE. 1557.

En Decembre sera pleine Lune le 5 à 16. heu. 58. mi. à 13. deg. 54. mi. de Gemini qui sera quelque peu attrempee, avec grâds véts Septentrionaux & Australz. la teste du Dragó, Garde, garde pocilateur Itallique que tu as deliberé de faire. Dernier quart sera le 12. à 9. mi. sur le point Solsticial. 25. deg. 43. mi. de Virgo, ce que par impetuosité d'eau sera descouuert sera admirable & merueilleux, & plus horrible nouvelle de la coniuuration & entreprise. ô que sera dilaceré en menues pieces celuy de langue trop libere. Nouvelle Lune sera le 20. à 10 heu. 12. mi. en Capricornus. qui sera fort froide & seiche, avec vne humidité, qui causera l'hiuer estre treslong. Par la grand monarchie premiere de ce monde sera en poinct du plus supreme degré que iamais depuis le troisieme sang Troyé ayt esté, sa court sera munie de grand ioye. Simultes faintes caresses, dissimulatió d'œil tranuersant les pointes au costé gauche, bonesnouuelles apporte. Premier quart le 28. à 11. heu. ventz terriblement froidz & durant comme feu, qu'on dira, penetrabile frigus adurit. le prieray Dieu qu'il luy plaise par le moyen du precieux sang de son filz Iesus Christ no^o preseruer des mauuais aspects que les cieux no^o menassent. & me done grace que à ceux qui m'ot cogneu & nō veu &

veu & non cogneu, qui se sont essaiez me calumnier, sans que ia,
 mais à eux ny à personne de ce môde l'aye fait, dict ne pensé faire
 desplaisir ny offense que ie puisse estre du nôble de leurs amys &
 seruiteurs, & si ie leur auoys fait desplaisir en presageant qu'ilz me
 pardonent.

ALMANACH POVR L'AN M. D. LVII.

Nombre dor	.XIX
Epacta Egyptienne	XXIX.
Cycle du Soleil	XXVI.
Lettre dominicalle	C.
Indiction Romaine	XV.
Entre Noël & le Dimanche gras	IX. semaines II. iours
Pasques	XVIII. d'April.
Rogations	XXIII. de May.
Ascension	XXVII. de May.
Pentecoste	VI. de Iuin.
La feste Dieu	XVII. de Iuin.
L'aduenc	XXVIII. de Nouembre.


FIN.

EXTRACT DV PRIVILEGE DV ROY.

Par privilege du Roy. Il est permis à Jaques Keruer libraire iuré en L'université de Paris, & Jean Brotot Libraire de Lyon de vendre & distribuer les Almanach Presages, & Pronostications, composees par maître Michel de Nostre Dame docteur en Medicin de Salon de Craux en Prouence. Et deffence à tous Libraires, marchans & autres quelzconques, de n'en vendre ne distribuer autres que ceux que ledit Keruer aura fait imprimer, sur les peines contenues audit privilege. Donné à Paris le 14. d'Octobre 1556.



Hazte con el libro que adelanta la historia.
CAESAREM DE NOSTRADAMUS



www.caesaremnostradamus.com

© Manuel Sánchez, 2007

[Email:info@caesaremnostradamus.com](mailto:info@caesaremnostradamus.com)

Reservados todos los derechos. **Copyright**

Esta publicación es solo para uso privado. Únicamente se podrá acceder a esta copia con previo permiso del autor. Queda terminantemente prohibida cualquier copia total o parcial de esta obra.

Con esta excepción, ninguna parte de esta publicación puede ser reproducida o transmitida en cualquier forma o por ninguno medio, electrónicos o mecánicos, incluso fotocopiada, sin permiso por escrito del autor.